

## ՆՈՐ ԳՐԱԿԱՆՈՒԹԻՒՆ

ԱՐԵՎԻԿԱՆԻՆԻ ԲԱՆԱՍՏԵՂԾՆԵՐ

ՊԵՏՐՈՍ ԳՈՒՐԵԱՆ

ՆՐԱ ԿԵԱՆՔՆ ՈՒ ԵՐԿԵՐԸ

ԳՐԱԿԱՆ-ՔՆՆԱԿԱՆ ՎԵՐԼՈՒԾՈՒԹՅՈՒՆ

(ԸՄԻՆԻՄԱԼԻՆԻ)

Ը.

Ազդեցութիւնները:

Պետրոս Գուրեանի գրական գործունէութիւնը իր ապրած կեանքի, իր ժամանակի, միջավայրի եւ սոցիալական պայմանների արտագրութիւնն է: Թող ամենեւին զարմանալի չթուայ, որ մենք այս գերազանցապէս «անհատական» բանաստեղծի գործերը համարում ենք ոչ միայն իր կեանքի, այլ եւ սոցիալական պայմանների արդիւնք: Որքան էլ անհատական լինին արուեստագէտները, այնուամենայնիւ ստեղծում են այն, ինչ ժամանակի սոցիալական կեանքը կարող է թշուառել: Բանաստեղծի մեծութիւնը ոչ թէ այն տեղ է, որ դուրս լինի հաւաքականութեան սահմաններից, այլ այն տեղ է, որ կարողանայ նրա արտացոլումը լինել: Եւ այս ասելով, մենք ոչ թէ անհատների մեծութիւնը, տաղանդը նուազեցնում ենք, այլ ցանկանում ենք արժանի տեղ տալ սոցիալական մեծ ամբողջութեան, որի մի մասնիկն է տաղանդը: Ոչ թէ առաջինը նեղացնելու նպատակ ունենք, այլ երկրորդի ունեցած լայնութիւնը խոստովանելու պարտաւոր ենք:

Զգիտի բնազանցական նախնի մեթոդներով եւ ուսմանտիք աշխարհահայեացքով անհատի կամքը ամէն բանի կենդրոն յայտարարենք: Պիտի իրատես լինենք եւ պիտի ընդունենք, որ նոյն իսկ ամենամեծ անհատները ենթարկւում են ժամանակի, պատմութեան, սոցիալական ոյժի օրէնքներին:

Կեանքը փոփոխւում է միշտ, հաւաքականութիւնը թաւալւում է պատմական զարգացման ճանապարհի վրայ: Բանաստեղծները եւ հերոսները երեւան են գալիս այս զարգացման մթնոլորտում, եւ մեծ են այնչափ, որչափ արտայայտում են այդ զարգացումը:

Ի՞նչ են դասական հեղինակները, եթէ ոչ աւատական-սոցիալական կարգի եւ տնտե-

սութեան արտայայտիչները: Ի՞նչ են ուսմանտիք արուեստագէտները, եթէ ոչ «երրորդ դասակարգի» Յեղափոխութեան ազդարարները կամ նրա ստեղծած կեանքի պատկերացնողները: Ի՞նչ է օրինակի համար Տոլստոյը, եթէ ոչ ուսուցիչական սոցիալական կարգի եւ իդէալների վիպասանը: Ի՞նչ է Մաքսիմ Գորկի, եթէ ոչ ուսուցիչական գրող-դասի կեանքի եւ ձգտումների բանաստեղծը: Ի՞նչ է մեր խաչատուր Աբովյանը, եթէ ոչ հայ գիւղացիական քաղաքակրթութեան եւ մեր գիւղացիական տնտեսութեան վիպասանը: Ի՞նչ են Շիրվանզադէ, Գրիգոր Զոհրապ, եթէ ոչ կովկասի եւ Վ. Պոլսի դրամատիւրգի կարգերի ստեղծած երեւոյթների եւ հոգեբանութեան արտայայտիչները:

Եւ այսպէս. իւրաքանչիւր հեղինակ որոշ ժամանակի տնտեսութեան, սոցիալական կառուցուածքի եւ իդէալների հետ կապուած է սերտօրէն: Հարկաւոր է միայն լաւ ուսումնասիրել հեղինակների գործերը, նրանց ժամանակը, կեանքի պայմանները — որպէս զի կարելի լինի գտնել այն խորունկ կապը, որ անշուշտ կայ արուեստագէտի եւ հաւաքականութեան միջեւ:

Կարող են լինել անշուշտ այնպիսի հեղինակներ, որոնք կարծատեւ կամ մանաւանդ երկարատեւ գործունէութեան ընթացքում արտայայտում են երկու տարբեր ժամանակների կամ տարբեր հաւաքականութեան իդէալները: Միանգամայն հնարաւոր է այդ, որովհետեւ կեանքը գտնւում է յարակայ փոփոխութեան մէջ — եւ հեղինակները կարող են այդ զարգացման արտայայտութիւնը լինել:

Կարող է պատահել նաեւ այն, որ միեւնոյն ժամանակի եւ միեւնոյն հասարակակարգի մէջ ապրող արուեստագէտները արտայայտեն սոցիալական եւ անձնական տարբեր իդէալներ: Միանգամայն հնարաւոր է նաեւ այդ, որովհետեւ տիրող հասարակակարգը շարունակութիւն է մէկ ուրիշ հասարակակարգի, որի համակիրները դեռ ապրում են տուեալ ժամանակում, եւ միւս կորմից՝ սկզբնաւորութիւն է գալիք նոր հասարակակարգի, որի կերտողները արդէն երեւացել են եւ գոյութիւն ունին այդ ժամանակում:

Այսպէս, օրինակի համար, այժմեան ֆրանսիայում տիրում է դրամատիւրգիական հասարակակարգ: Այդ կարգի արուեստագէտները շատ են: Բայց կան նաեւ ուշացած բանաստեղծներ, ինչպէս մի Լէօն Գօդէ, որոնք դեռ ներքողում



չի լացել եւ որ մեղմօրէն կրել է ճակատագրի դառն հարուածները — Պետրոսի ծանր տագնապները տեսնելով՝ լաց եղաւ վերջապէս: Այս լացը ինքնին նշանակում է բողոք Աստուծոյ դէմ: Մի օր յետոյ գրուած «Զղջում» բանաստեղծութիւնը մօր հաշտութիւնն է, որովհետեւ նրա հոգին չի կարող մշտապէս տրտնջալ Աստուծոյ դէմ:

Ընտանիքից դուրս Պետրոս Դուրեան անմիջական տպաւորութիւններ է ստանում շրջապատից, բնական միջավայրից: Նրա պատուհանից երեւում է միշտ գեղեցիկ Բոսփորը — որ ինքը մի բանաստեղծութեան մէջ անուանում է Սթամպուլի կապոյտ գոտի: Երեւում են խորհրդաւոր ու տխրական նոճիկները, որ երգել է նա այնքան թախծութեամբ եւ թերեւս նրանից յետոյ պոլսահայ գրականութեան մէջ դարձել է բանաստեղծութեան մշտական նիւթ: Դիտել է շարունակ աստղադարձ երկինքը, որ այնքան մօտ էր նրան, պտտել է կանաչ, երազական դաշտերում, բարձրացել է Չամլիճայի բարձունքները վաղամեծիկ Վարդանի հետ, տեսել է լիճը, երկինքը, ապրել է մի խօսքով ողջ բնութեան մէջ: Այս բոլորը նրա մանկական, պատանեկան, երիտասարդական երեւակայութեան վրայ անջնջելի հետքեր են թողել: Նա ձուլուել է բնութեան հետ եւ դարձել է նրա մի մասնիկ: Իր կեանքը, իր գոյութիւնը, իր ամբողջ երջանկութիւնը նա ըմբռնում է բնութեան ծոցում, պայծառ եւ աստեղադարձ երկնակամարի տակ: Իր սէրը նուիրական է դարձնում նրանով:

«... Լսեց երկինք մեր ջերմ ուխտ,  
Աստղեր սրսկեց ի գորով,  
Բնութիւնն եղաւ պսակիչ,  
Մեզ պսակեց աստղերով...»

Բնական միջավայրը նրա բանաստեղծութեան մէջ կենդանացած է: Կեղծ դասական գրականութեան դէմ ուժեղ հակահարուած եղաւ նրա բանաստեղծութիւնը ի միջի այլոց նաեւ նրանով, որ մարդն ու ընկերութիւնը կապեց բնութեան հետ: Եւ այս սկզբունքը նա լերացրեց ոչ թէ տեսականապէս, ռոմանտիկների երկերը կարդալով, Լամարտինի, Վիկտոր Հիւգօի, Ժան-Ժակ Ռուսսօի, Շատոբրիանի ազդեցութեան տակ, այլ առաւելապէս գործնական, անմիջական ճանապարհով: Այն բազմաթիւ տպաւորութիւնները, որ նա ունէր Բոսփորի զարմանալի բնութիւնից, եւ որ միջբրուած էին նրա երեւակայութեան մէջ — դուրս

թափուեցին ոչ թէ նմանողութեամբ, այլ ինքնուրոյնութեամբ եւ անկեղծութեամբ: Մինչեւ անգամ աւելի նուազ ինքնաբոլիս հեղինակներ, որ նրանից առաջ ունէինք, ծնունդով Բոսփորի երազական միջավայրում, առաւել կամ պակաս բնութեան երգիչներ էին:

Արսէն Բագրատունին, կեղծ դասականութեան այդ տարամերժ վարպետը, իր «Հայկ Դիւցազն» էջերում բնութեան տեսարանների գեղեցիկ նկարագրութիւն ունի: Մկրտիչ Պէշեկթաշեան, Ղեւոնդ Ալիշան — երկուսն էլ իրենց գործի մէկ խոշոր մասով կեղծ դասականութեան հետեւողներ եղան, բայց երկուսն էլ բնութեան գեղեցիկութիւններին ջերմ երգեր նուիրեցին: Ալիշանը մանաւանդ իր մի քանի բանաստեղծութիւնների մէջ — գրուած միջնադարեան տաղերգուների ժողովրդական լեզուով եւ բոլորով — անման էջեր ունի, որոնց մէջ բնութիւնը խօսում է, ժպտում է, լալիս է, ծիծաղում է, ապրում է վերջապէս: Կարդացէք «Շուշանն Շաւարշանայ», գեղեցիկ Սանդուխտի այդ սքանչելի պօեման — եւ դուք կը զարմանաք թէ ինչպիսի գեղարուեստական հմայք ունի Ալիշանի նկարագրող, գունաւոր գրիչը:

Պետրոս Դուրեան երգեց բնութիւնը բոլորովին ինքնաբոլիս կերպով, առանց ամենափոքր չափով իսկ ենթարկուելու կեղծ դասական գրականութեան, որ նրանից առաջ տիրապետող էր մեզանում եւ բաւականաչափ ազդեցիկ էր նոյն իսկ նրա ժամանակ:

Եւ այս տեսակետից, այնուհետեւ եկող արեւմտահայ բանաստեղծները կրում են Պետրոս Դուրեանի կախարդական ազդեցութիւնը:

Ընտանիքը եւ բնական միջավայրը չէին լրացնում Պետրոս Դուրեանի ամբողջական տպաւորութիւնները: Վեց տարեկան հասակից սկսած դպրոց մտաւ նա, ուր մնաց մօտաւորապէս տասն տարի: Այսքան երկար կեանքը մի հիմնարկութեան մէջ չէր կարող անցնել առանց նշանակալից ազդեցութեան: Չի կարելի ասել, թէ այս ազդեցութիւնը միայն դրական եղաւ: Սքոլաստիքական մանկավարժութեան մէջ մանուկ Պետրոսը բաւական ժամանակ խեղդուած մնաց: Նրա սկզբնական շրջանի բանաստեղծութիւնների, նրա թատերագրութիւնների եւ մանաւանդ նրա թատերական ոտանաւորների մէջ երեւում են այդ դաստիարակութեան հետեւանքները: Այդ էջերի մէջ ներշնչում չկայ բռնազբօսիկ տրամագրութեան ու զգացումների ակամայ վերարտադրութիւններ են նրանք, որոնք



Այս ժողովրդական դերից զատ՝ Խորհման  
Հայրիկը նրան գրաւում էր նաեւ իբրեւ բա-  
նաստեղծ.

“Աւարայրի նա վարդին

Սոխակն եղաւ տրամագին...”

Կամ թէ ուրիշ արտայայտութեամբ՝

“...նա սիրտն ըրաւ հայրենայուշ գոռ քնար...”

Անշուշտ այս ոտանաւորների մէջ չկայ բնաւ այն  
մեծ գեղեցկութիւնը, որ երեւաց Պետրոս Գու-  
րեանի միւս բանաստեղծութիւնների մէջ: Նրանք  
դպրոցականի անփորձ շարագրութիւններ են,  
բայց դրանով մէկտեղ յայտարար են այն  
բանի, թէ ինչ էր սիրում եւ գնահատում մեր  
կենսքում Պետրոս Գուրեան: Կ. Պոլսի մէջ  
ծնուած եւ մեծացած բանաստեղծի համար հո-  
գեկան եւ բարոյական այն տրամագրութիւնը,  
որ նա այդ երգերով ցուցահանեց, շատ յատկա-  
նշանական է: Յամենայն դէպս այդ տրամագրու-  
թիւնը ցոյց է տալիս, թէ ինչ թուիչք ունէր  
Իսմիլ-տարի պատանի բանաստեղծը իր անյոյզ  
եւ անխռով շրջապատի մէջ...

Օտար գրականութիւններից ինչ հեղե-  
նակներ Պետրոս Գուրեանի վրայ տպաւորու-  
թիւն են թողել: Իր ստացած դաստիարակու-  
թեամբ եւ իր գրական միջավայրի բերումով  
նա ամենից շատ կապուած էր ֆրանսիական  
ոտանաւորների հետ: Բայց անմիջապէս պէտք  
է նկատել, որ Պետրոս Գուրեանի բանաստեղ-  
ծութեան եւ ֆրանսիական ոտանաւորների միջեւ  
բաւական աչքի ընկնող տարբերութիւն կայ:  
Գոթախտութիւն է մեր բանաստեղծի համար,  
որ նա արտաքին պարագաների դասաւորու-  
թեամբ ամենից շատ ծանօթացել է ֆրանսիա-  
կան ոտանաւորների երկերի հետ: Իր հոգե-  
կան կառուցուածքով նա նրանց նման չէ ամե-  
նեւին: Ֆրանսիական ոտանաւորների ճարտա-  
սանական արուեստը, չափազանցեալ ձեւերը,  
արուեստականութեան կնիք ունեցող զգացում-  
ները, յաճախ բռնազօրութիւն եւ անտեղի ոգեւո-  
րութիւնը Պետրոս Գուրեանի անմիջական եւ  
ինքնաբերական բանաստեղծութեան հետ քիչ  
առնչութիւն ունին: Եւ այստեղ թերեւս կա-  
րելի է նկատել մեր ժողովրդական պարզ, ան-  
սթեւեւեթ, անպաճոյճ եւ խորունկ արուեստի  
տարբերութիւնը ֆրանսիական ոտանաւորի ա-  
րուեստի համեմատութեամբ, շնայելով որ Գու-  
րեանը ոչինչ չի գրել մեր ժողովրդական ա-  
րուեստի ոճով կամ ձեւով: Կարելի է ասել, որ

Գուրեանի անգիտակից, բայց օրգանական կապը  
հայ արուեստի եւ մեր ժողովրդական բանաս-  
տեղծութեան հետ աւելի իրական է, քան պա-  
տահական կապը ֆրանսիական ոտանաւորների  
հետ: Եւ մեր կարծիքով այս օրգանական կապի  
մէջ պէտք է որոնել գլխաւոր պատճառն այն  
իրողութեան, որ ֆրանսիական ոտանաւորի դպրո-  
ցին չի ենթարկում Գուրեանը եւ նրանից  
վերցնում է առաւելագէս այն, ինչ որ համա-  
ձայն է իր նկարագրին եւ բանաստեղծական ան-  
հատականութեան:

Իր գրուածքների մէջ Պետրոս Գուրեան  
յիշատակում է Լամարտինին, Վիկտոր Հիւգօին,  
Ալէքսանդր Դիւմային, նաեւ Ժան-Ժակ Ռուս-  
սօին եւ նոյն իսկ Մոլէրին: Բանաստեղծութիւն-  
ների մէջ Գուրեան նման է աւելի Լամարտինին  
եւ Ալֆ. Դը Միւսէին, թէեւ չունի առաջինի  
“Խորհրդածութիւնների” հանգարտ ու մեղմ  
հոգեբանութիւնը եւ “Գաշնակների” հաշտ ու  
կրաւորական վերաբերումը, եւ ոչ էլ Ալֆ. Դը  
Միւսէի զգայական, կրքոտ ու տարփալից բանաս-  
տեղծութիւնը: Վիկտոր Հիւգօն եւ Ալէքսանդր  
Դիւման կապուած են նրա թատերագրութիւն-  
ների հետ: Ռոմանտիք դրամայի բուռն տրամա-  
դրութիւնը, անակնկալները, չափազանցութիւն-  
ները, հրաշալի ու յանկարծական դէպքերը,  
ինչպէս եւ իդէալական շունչը կարելի է գտնել  
Գուրեանի թատերագրութիւնների մէջ:

“Թատրոն կամ Թշուառներ” վերնագիրը  
կրող իր թատերագրութեան մէջ հերոսների  
բերանով խօսում է Լամարտինի “Ռաֆայէլի եւ  
Յուլիայի” մասին: Եւ ինքն էլ յայտնում է  
պարզ կերպով, որ իր ստեղծած երկու սիրա-  
հարները — Էդուարդը եւ Վարդուհին — նման  
են Լամարտինի հերոսներին: Միեւնոյն թա-  
տերագրութեան մէջ՝ դարձեալ հերոսների բե-  
րանով, խօսում է նաեւ Ռուսսօի մասին: Կա-  
րելի է կարծել, որ Ժընեւի փիլիսոփայ-արուես-  
տագէտի որոշ գործերի հետ ծանօթ է եղել  
նա: Յամենայն դէպս, որոշ նմանութիւն կայ  
նոյն Էդուարդ եւ Վարդուհի սիրահարների եւ  
“Նոր Հելիօդ”-ի իդէալական սիրահարների  
Սէն-Պրէօի եւ Ժիւլի միջեւ: Ինչ վերաբերում է  
Մոլէրին — որի մասին խօսք կայ նոյն “Թշուառ-  
ներ” թատերագրութեան մէջ — մեզ թւում  
է, որ ֆրանսիացի հանճարեղ կատակերգակը  
որոշ կապ ունի Գուրեանի վերոյիշեալ թա-  
տերագրութեան կատակերգական էջերի հետ:  
Ֆրանսիական հեղինակներից զատ, կարելի  
է խօսել գերմանացի Շիլլերի եւ անգլիացի



Խրիմեան Հայրիկին նուիրած բանաստեղծութիւնների մէջ գրում է .

“Իրաւունքի, սիրոյ, լոյսի ենք կարօտ...”

կամ թէ՛

“Եղբայրութեան Հայն կը յենու, ո՛չ թագի...”

կամ թէ՛

“Ազատ սիրեց, ազատ գոչեց, չթողեց...”

կամ թէ՛

“Նա սիրտն ըրաւ Հայրենայուչ գոռ քնար...”

կամ թէ՛

“Նա իրաւունք, ազատութիւն գոչեց յար...”

Թատերագրութիւնների եւ Հայրենասիրական բանաստեղծութիւնների մէջ նրա կապը իր դարաշրջանի Հետ Հափաղանց պարզ է եւ անմիջական:

Իր քննադատական անհատական բանաստեղծութիւնների մէջ եւս այդ կապը իրական է եւ անկասկածելի, շնայելով որ ուղղակի եւ նիւթական ձեւով չէ հրապարակ գալիս այն, ինչ որ արուեստի առանձնայատկութիւն է եւ ինչ որ պայմանաւորում է նրա քնարերգութեան մեծ, բացառիկ արժէքը մեր գրականութեան մէջ:

“Սիրել, բանաստեղծութեան մէջ նա ի միջի այլոց գրում է.

“...Բոյլ մը նայուածք, փունջ մը ժպիտ,  
Քուրայ մը խօսք դիւթեց իմ սիրտ...”

կամ “Լճակի մէջ.

“...Այլ եթէ գոգգ ալ թափին  
Բոյլքն աստեղաց երկնքին,  
Նրմանիլ չես կրնար դուն  
Հոգուս, որ է բոց անհուն...”

“...Հոն հրդեհ Հայ, ոչ մատեան...”

կամ՝ “Թրքուհին, բանաստեղծութեան մէջ.

“...Լանջն է յուզեալ ովկէանի մը նման...”

“...Նէ կը վառի, միշտ կը վառի, չի հատնիր...”

“...Կրակ մ’է փրթած կողէն սիրոյ բոցագէտ...”

“...Իսկ եթէ մեռնի

Սըսես հիմա կը ծնի...”

կամ՝ “Ներա հետ, բանաստեղծութեան մէջ.

“...Ձեռքս տարաւ կուրծքն, հոն

Սիրոյ երկին մ’որոտար...”

“...Աչերու բոցն երբ մարի,

Դագրի տրոփն երբ սրտին,

Լոկ այն ատեն հարկէ որ

Անզօր շուրթերը խօսին...”

Այս հատուածները մենք մէջ բերեցինք առանց մեծ ընտրութեան, սակայն եւ այնպէս նրանց մէջ ակներեւ կերպով ցոլանում են Ֆրանսիական Գեղարվեստութեան, նրա ստեղծած ողմանտիքական բանաստեղծութեան եւ դարաշրջանի սոցիալական հոգեբանութեան ընդհանուր յատկութիւնները:

“Քուրայ խօսքը”, “Բոց, անհուն հոգին”, “Հրդեհը եւ ոչ մատեանը”, “Յուզեալ ովկէանի նման լանջը”, “Բոցագէտ սիրոյ կողէն փրթած կրակը”, “Սիրոյ երկնքի որոտումը”, “Աչերու բոցը”, “Սրտի տրոփը”, եւ այլն եւ այլն — այդ ընդհանուր յատկութիւնների բանաստեղծական ձեւաւորումն են:

Սակայն պիտի անմիջապէս աւելացնենք, որ Դուրեանը նշանակալից տարբերութիւններ ունի ողմանտիք գրականութեան եւ նրա սոցիալական հոգեբանութիւն հետ: Եւ սրա պատճառը գլխաւորապէս այն է, որ նրա ժամանակ Ֆրանսիական Գեղարվեստութիւնը եւ նրա ստեղծած կարգերը արդէն այլասերման նշաններ էին ցոյց տալիս: Առաջանում էր նոր շրջան մարդկային պատմութեան մէջ, սկսուել էր սոցիալական շարժումը կեանքի մէջ եւ ուշադրմը գրականութեան մէջ:

Պետրոս Դուրեան որոշ չափով զգաց այս նոր ժամանակը:

Նրա մի քանի բանաստեղծութիւնների, Թատերագրութիւնների եւ գլխաւորապէս “Թշուառներ”ի մէջ երեւում է այս անցողիկ կան շրջանի արձագանքը:

Եթէ Պետրոս Դուրեան չկարողացաւ աւելի ստոյգ եւ աւելի զօրաւոր կերպով արտայայտել այդ տրամադրութիւնը — դրա պատճառը պէտք է որոնել մեր կեանքի առարկայական պայմանների, մեր գրականութեան այն ժամանակուայ տիրապետող ուղղութեան, նաեւ իր վաղաժամ մահահալման մէջ:



աշխարհիկ լեզու: Վերոյիշեալ հրապարակագիրներէն Ստեփան Ոսկանը, Ռուսինեանը եւ Գրիգոր Օտեանը ապրել էին անմիջապէս ֆրանսիական 1848 թուի Յեղափոխութեան գաղափարական ոլորտում, ունէին ջերմ, համարձակ, եռանդուն հրապարակագրութիւն, բայց ոչ մէկը նրանցից հեռաւորապէս անգամ չհասաւ Միքայէլ Նալբանդեանցին, որ ապրում էր նրանց ժամանակ եւ որ տիրում էր մտքերի վրայ:

Սակայն հրատարակագրութիւնից աւելի մեզ հետաքրքրում է 50—70-ական թուականներին գոյութիւն ունեցող գեղարուեստական գրականութիւնը: Այդ ժամանակաշրջանում չկար վէպ եւ իրական թատերագրութիւն, կար միայն ըմբատեղծութիւն եւ պատմական ողբերգութիւն, որոնց մասին կարեւոր ենք համարում ամիսի տեղեկութիւն տալ, որպէս զի պարզ լինի, թէ Գուրեանի բանաստեղծական եւ թատերական գործը ինչպիսի միջավայրում տեղի ունեցաւ:

Արսէն Բագրատունին, որ ծնուած էր 1790-ին եւ որ 1866-ին մեռած էր արդէն, առանձին գրքով հրատարակեց իր համբաւաւոր «Հայկ Դիւցազն»ը 1858 թուականին: Ընդարձակածաւալ գործ էր դա, գրուած 15-ոտնեայ երկայնաշունչ տաղաչափութեամբ, երգուած էր Հայկի հերոսական վէպը, ծայրից ծայց գրաբար լեզուով: Անշուշտ, Արսէն Բագրատունու այդ երկի մէջ կար մեծ տաղանդի շունչ: Բայց այդ տաղանդը սպասաւորութեան էր դրուած մեռած լեզուն եւ սքոլաստիք գրականութիւնը վերստեղծելու ապարդիւն գործի վրայ, եւ ուրեմն վրիպած էր նոր կեանքի եւ նոր գրականութեան համար: Նրա գործի մանրամասների մէջ կային գեղեցիկ էջեր նաեւ նոր ժամանակի իմաստով — ինչպէս օրինակ բնութեան հրաշալի նկարագրութիւններ — որոնք անցան յետորդներին եւ զարգացան նրանց միջոցով:

Խրիմեան Հայրիկ, ծնուած 1820 թուին, իր աշխարհիկ նշանաւոր գործերը — ինչպէս «Հայ գոյժ», «Վան գոյժ», բանաստեղծութիւնները եւ «Պապիկ եւ Թոռնիկ» հրաշալի արձակը — հրատարակեց 1877 թուին եւ նրանից յետոյ: Յիսնական-վաթսուհական թուականներին վերաբերում են — բացի աշխարհիկ հրապարակագրութիւնից, որի մասին խօսեցինք արդէն — նրա գրաբար բանաստեղծութիւնները: «Հրաւիրակ երկրին Այրարատեան»ը հրատարակում է նա 1850 թուին, «Հրաւիրակ երկրին Աւետեաց»ը 1851 թուին, իսկ «Մարգարիտ Ար-

քայութեան Երկնից» արձակ կրօնական բանաստեղծութիւնը 1866 թուին: Խրիմեանի գրաբար բանաստեղծութիւնների շրջանում Արսէն Բագրատունին եղել է նրա համար զարմանալի օրինակ, որին անուանում է «մեծահանձար քերթող»: Նրա գործերի մէջ սակայն որոշ չափով կեանք կայ եւ զգացում է իրականութեան ձայնը, որ խուլ էր դասական «Հայկ Դիւցազն»ի մէջ: Խրիմեանը իր «Հրաւիրակ երկրին Այրարատեան» գրաբար բանաստեղծութեամբ հրաւիրում է դէպի հայ գաւառները, դէպի հայ ժողովրդի ապրած վայրերը, հրաւիրում է այնտեղ հիմնելու նոր գրականութիւնը եւ նոր կեանքը: Այդ բանաստեղծական գործի մէջ երեւում է «Վասպուրականի Արծիւը» եւ «Վարագ լեռան մաճկալը», «Նկարագրում է նա Արաքսի հովիտը, Վաղարշապատը, Վասպուրականը, Վարագը: Նկարագրում է ոչ թէ Հայկ Դիւցազնի ժամանակները, այլ ներկայի վայրերը:

Եւ նկարագրութեան մէջ — թէեւ գրաբարի կաշկանդումների ներքեւ — զգացում է որոշ չափով կենդանի շունչ:

Խրիմեանի միւս գործը, «Հրաւիրակ երկրին Աւետեացը», Բեթղէշէմի, Նազարէթի, Յորդանանի, Երուսաղէմի եւ Քրիստոսի շրջած վայրերի նկարագրութիւնն է, որի մէջ աւելի եւս զգացում է կեղծ դասականութեան շրջանի արձագանքը, թէեւ այնտեղ էլ կան գեղեցիկ, ներշնչուած էջեր:

Ղեւոնդ Ալիշան, ծնուած 1820 թուին Կ. Պոլիս, ուսած եւ մեծացած Վենետիկ, աւելի է ենթակայ կեղծ դասական գրականութեան, գրաբարի կաշկանդումներին եւ Արսէն Բագրատունու ազդեցութեան: «Յուշիկների» եւ «Նուագների» հարիւր էջից ապահովաբար ինսուլը անկենդան եւ բռնաղբօսիկ արտագրութիւններ են, որոնք միշտ մեռած էջեր կը մնան մեր գրականութեան համար: «Նուագների» հինգ ընդարձակ հատորների մէջ երրորդ հատորը միայն ունի Նահապետ վերնագրով մի բաժին, էջ 217—298, որ պարունակում է անակնկալ կերպով այնքան գեղեցիկութիւն եւ այնպիսի մեծ ներշնչում: Նահապետը այնուհետեւ դառնում է Ալիշանի բանաստեղծական տիրելի անունը, որ ապրում է մեր գրականութեան մէջ մինչեւ օրս:

«Մանկունի», «Մաղթունի», «Տէրունի», «Տիրունի» եւ դրանց նման անկենդան ու չօրգրուածքների անապատում «Նահապետը» յի-



“Մերուշէ մատաղ, կոյս մ’է Մերուշէ,  
Բիբն աչերուն որբան մեղուշ է...”

“Մերուշէ պլպուլ մըն է Մերուշէ,  
Չայնը կոկորդին մէջ շատ անուշ է...”

“Մերուշէ զիս շատ սիրէ Մերուշէ,  
Բայց հարսնացած է, ափսոս շատ ուշ է...”

Կամ թէ՛ “Այս սէրը փուշ է” բանաստեղծութիւնը, որ նոյնպէս նուիրուած է գողտրիկ Մերուշէին.

“Տես ո՞նց դաշտերում ծաղկունքն են չքնաղ,  
Տես ի՞նչպէս երկինքն էլ փայլել կապուտ,  
Ջուրերն են պայծառ, ծովն էլ է խաղաղ,  
Քո մաքուր հոգուդ ի՞նչ է պատել մութ.

Ափսոս Մերուշէ,

Այս սէրըն փուշ է...”

Ժողովրդական այս պարզ տողերը տարաբախտաբար շատ չեն Մկրտիչ Աճէմեանի բանաստեղծութիւնների մէջ: Գրքի մէջ կան ձմեր, ներբողներ, գրաբար բանաստեղծութիւններ, “Վահագն” վերնագրով մի գրաբար դիւցազնական պոէմ, որոնք ոչ մի նմանութիւն չունին վերոյիշեալ հատուածին եւ շատ դժուար կը լինի կռահել, թէ միեւնոյն բանաստեղծի արտագրութիւններն են: 1871 թուականին Մկրտիչ Աճէմեանը դեռ արտադրած չէր իր ներդաշնակ, սիրուն, հարուստ եւ գեղեցիկ յանգերով աշխարհիկ երգերը, եւ “Մերուշէ”-ի նման տաղերը բացառութիւն էին:

Անկարելի է համեմատել նրա այդ ժամանակուայ — անշուշտ նաեւ յետագայ — ոտանաւորները Պետրոս Գուրեանի բանաստեղծութիւնների հետ, որոնց մէջ ցլանում էր անկեղծ, խորունկ, բուռն տրամագրութիւն եւ զարմանալի կերպով մշակուած աշխարհաբար:

Յիսնական-եօթանանական թուականների միջոցին ուրիշ հեղինակներ եւս բանաստեղծութիւններ էին գրում, ինքնուրոյն կամ նմանողութեամբ, ինչպէս Թովմաս Թէրզեան, Սրապիոն Հէքիմեան, Ստեփան Ոսկան, Նահապետ Ռուսինեան եւ այլն, որոնցից առաջին երկուսը աւելի յայտնի էին թատերագրութեան, իսկ վերջին երկուսը հրապարակագրութեան մէջ: Թովմաս Թէրզեան գրում էր գրաբար եւ կիսագրաբար, Սրապիոն Հէքիմեան գրում էր գրաբար, Նահապետ Ռուսինեան գլխաւորապէս փոխագրում էր, որից մնացել է “Երբ որ բա-

ցուին” ծանօթ հայրենասիրական երգը (1874), իսկ Ստեփան Ոսկանը շինում էր քաղաքական-հասարակական ոտանաւորներ, որոնց մէջ նա հեռաւոր կերպով անգամ չէր կարողանում նմանել իր ընկերակից հրապարակագիր Միքայէլ Նալբանդեանին:

Ահաւասիկ այս էր ընդհանուր գծերով արեւմտահայ բանաստեղծութիւնը յիսնական-եօթանանական թուականներին, երբ ապրում էր Պետրոս Գուրեան:

Ինչպէս նկատուում է այս պատկերից՝ ժամանակի տրամագրութիւնը երեւում էր մէկի կամ միւսի մէջ: Բնութիւնը ներս էր խուժում, հակառակ մարդկանց ստացած դաստիարակութեան եւ սովորութեան: Համաձայն ռուսական առածի թէ — “արտաքսիր բնութիւնը դռնից, նաներս կը մտնի պատուհանից” — եւ համաձայն Փրանսական ասութեան թէ՛ “Chassez le naturel, il revient au galop”, արեւմտահայ բանաստեղծները իրենց գրուածքների մէջ այսպէս թէ այնպէս արտայայտում էին ժամանակի պահանջը եւ տիրող սոցիալական հոգեբանութիւնը:

Բայց Պետրոս Գուրեան այդ բոլոր տրամագրութիւնը բեւեռեց իր մէջ եւ արտայայտեց ժամանակն ու պատմական զարգացումը “հեղեղի” պէս, ինչպէս նրանից առաջ եւ նրա ժամանակ ոչ ոք չէր արտայայտել:

Արսէն Բաբրատունին, Խրիմեան Հայրիկը այդ շրջանում, Խորէն Նարպէյը գրում էին գրաբար քերթուածներ, Ալիշանը, Պէշիկթաշլեանը, Մկրտիչ Աճէմեանը գրում էին մեծ մասամբ գրաբար բանաստեղծութիւններ եւ շատ քիչ մասով աշխարհիկ տաղեր: Սրանց մէջ ամենագեղեցիկ աշխարհիկ էջերը Նահապետի երգերն էին, որ սակայն մեկուսացած բնաւորութիւն ունէին եւ որ յիսնական թուականից այս կողմ այլ եւս չերեւացին: Մկրտիչ Պէշիկթաշլեան շատ թուրք եւ անգղի կերպով արտայայտեց աշխարհաբարի պահանջը: Իսկ Մկրտիչ Աճէմեան այդ շրջանում գրեթէ միայն սկսնակ էր, գրաբարեան աւանդութիւնների մէջ մեղկաւ սկսնակ:

Եւ Պետրոս Գուրեանն էր միայն, որ չենթարկուեց Արսէն Բաբրատունու եւ կեղծ դասական գրականութեան ազդեցութեան: Իսկիւտարի մէջ ծնուած եւ մեծացած, նա վենետիկի մէջ չէր ապրած, գրաբարեան քերթողների այդ աւանդական միջնորդութիւնը: Զարգացել էր հեռու այդ ազդեցութիւններից եւ կարողացել



Այսպիսի պայմանների մէջ գրեց Պետրոս Դուրեան իր թատերական երկերը, որոնք մեծ մասամբ պատանեկան գործեր էին, անկատար եւ մանաւանդ անհասարակ: Եւ սակայն, չնայելով իր բոլոր իրական թերութիւններին, Դուրեանի թատերագրութիւնների մէջ եւս զգացում է ժամանակի շունչը, պատմական զարգացումը, կենդանի, թրթռուն լեզու, ջերմ տրամադրութիւն, յաճախ մինչեւ իսկ հնի եւ նորի ընդհարումը, պայքար, դրամատիզմ: Եւ քանի որ թատերական գրականութիւնն այնպէս աղքատ էր եւ այնպէս յամառ կերպով կառչած կեղծ դասական ձեւերին, Պետրոս Դուրեանի այնքան անկատար գործը նաեւ այս միջավայրում պատմական նշանակութիւն ունի:

Ժ.

### Նամակները:

Պետրոս Դուրեան թողել է ընդամենը 13 նամակ, որոնք բանաստեղծութեան եւ լեզուի տեսակէտից գեղեցիկ, ինքնարուխ, կատարական էջեր են եւ որոնք յաճախ պարզում են նրա կեանքը, հոգին, փիլիսոփայութիւնը:

Այդ նամակները տպագրուած են 1893 թուին, Կ. Պոլիս, Պետրոս Դուրեանի «Տաղք, թատերգութիւնք, Նամակների» ժողովածուի մէջ, որ հրատարակել է նրա կենսագիր Բարսեղ Էքսէրճեան:

Նամակները գրուած են 1869 եւ 1871 թուականին: Միւս թուականներից մեր ձեռքը ոչինչ չի հասել: 1869 թուին վերաբերում են ընդամենը երկու նամակ, որոնցից առաջինը քիչ կարեւորութիւն ունի: Մնացեալ տասնեւմէկ նամակները վերաբերում են 1871 թուականին եւ թանկագին նիւթեր են պարունակում իրենց մէջ:

Այսպէս, ինչպէս բանաստեղծութիւնների մեծ եւ կարեւոր մասը, նոյնպէս եւ նամակները գրուած են 1871 թուականին, որ բանաստեղծի վերջին տարին էր եւ որ եղաւ ստեղծագործութեան տենդոտ թուական:

Տարաբախտաբար նամակների վերնագիրները պակաս են եւ ստոյգ չէ թէ այդ նամակները որոնց են գրուած: Հրատարակողը բաւականացել է միայն մի ընդհանուր ծանօթութեամբ, որի մէջ ասուած է թէ՛ «այս նամակները ուղղուած են խորէն Նարայէյին, Իդմիր-լեանին, Յ. Ճանֆէսճեանին, Տիգրան Ագամեանին»: Բայց թէ՛ որ նամակը այդ անձերից

որին է ուղղուած — այդ մասին ոչինչ չէ ասում հրատարակողը: Տարօրինակ կերպով՝ այս ծանօթութեան մէջ յիշատակուած անձերի շարքում պակասում է մէկը, Դուրեանի բարեկամ Արմէն Լուսինեանը, որին ուղղուած է նամակների մեծագոյն մասը: Այդ նամակների ուշագիւր ընթերցումից կարելի է որոշ կերպով եղբակացնել, որ վերջին 6 նամակները ուղղուած են միեւնոյն անձին, եւ քանի որ յայտնի է, թէ վերջին 3 նամակները ուղղուած են Արմէն Լուսինեանին — պիտի եղբակացնել ուրեմն, որ այդ 6 նամակներն էլ ուղղուած են նրան: Աւելին: Նամակների մէջ կան ուրիշ երեք նամակ եւս, որոնք նախընթաց են այդ նամակներին եւ որոնց մէջ որոշ չափով նկատուում է միեւնոյն տրամադրութիւնը եւ յաջորդականութիւնը: Թերեւս կարելի լինի հնթագրել, որ այդ նամակները եւս ուղղուած են Արմէն Լուսինեանին:

Մնում են չորս նամակ, որոնցից մէկը ուղղուած է Խորէն Նարայէյին եւ վերաբերում է իր երկերի հրատարակութեան խնդրին: Միւս երեք նամակները ունին հետեւեալ վերնագիրը — «Շնորհափայլ Հայր», «Բարեկամ», «Սգաւոր»: Թերեւս կարելի լինի եղբակացնել, թէ այդ նամակներն են ուղղուած Իդմիր-լեանին, Յ. Ճանֆէսճեանին եւ Տիգրան Ագամեանին, եթէ միայն ընդունենք, որ հրատարակողի վերոյշեալ ծանօթութեան մէջ յիշուած անձերը ստուգուած են ինքնին եւ որ եւ է թիւրիմացութեան հետեւանք չեն:

Պետրոս Դուրեանի նամակները արձակ բանաստեղծութեան բոլոր հրապոյրն ունին: Այդ նամակների մէջ գործնական խնդիրներով մասին չէ, որ խօսում է Պետրոս Դուրեան եւ ոչ էլ առօրեայ, ընտանեկան հարցեր են շօշափուած այնտեղ: Ինչ որ կայ այդ նամակներով մէջ եւ ինչ ասուած է թէկուզ մասնաւոր իրողութիւնների վերաբերմամբ — օժուած է ջերմ, անկեղծ, սրտառու ընդունելութեան ցողով ու բոյրով:

Այդ նամակները ամենասերտ առնչութիւն ունին նրա բանաստեղծութիւնների հետ: Յաճախ նկատուում են այնտեղ նոյն մտածումները, միեւնոյն ձեւերը, միեւնոյն արտայայտութիւնները, ինչ որ բանաստեղծութիւնների մէջ — որովհետեւ նրանք երկուսն էլ դուրս են գալիս միեւնոյն հոգուց եւ միեւնոյն էութեան խորքից: Եւ ինչպէս շատ անգամ բանաստեղծի

մի գործ լրացնում եւ ամբողջացնում է նրա գրչից դուրս եկած մէկ ուրիշ գործ, այնպէս էլ Պուրեանի նամակները լրացնում են նրա բանաստեղծութիւնները: Այն մտածումը կամ այն զգացումը, որ կիսատ է թողել բանաստեղծը իր քերթութեան մէջ, յաճախ ամբողջացած ենք տեսնում նրա այս կամ այն նամակում: Այսպէս են գլխաւորապէս Պուրեանի մտածումները աշխարհի կամ շրջապատի մասին, ինչ որ իր բանաստեղծութիւնների մէջ բաւական քողածածկ են արտայայտուել եւ ինչ որ աւելի որոշ ենք տեսնում նրա նամակների մէջ:

Բացի այն, որ Պետրոս Գուրեանի նամակները իբրեւ արձակ քերթութեան են, որ նրա բանաստեղծութիւններին եւ բացի այն, որ նրանք ամբողջացնում են նրա երգերը — այլ նաեւ մանաւանդ նրանք բացատրում, մեկնաբանում են Գուրեանի գեղարուեստական գործը: Բանաստեղծի երգերի համար նրա նամակները յաճախ քննադատական եւ բացատրական ենք ունին: Այդ նամակներից մէկը իմանում ենք յաճախ, թէ Գուրեանի այս կամ այն բանաստեղծութիւնը ինչպիսի պայմանների մէջ է գրուած, ինչ տպագրութեան ազդեցութեան տակ, ինչ հոգեբանական վիճակի արտայայտակ, ինչ հոգեբանական վիճակի արտայայտութիւն է: Չպիտի կարծել, թէ Գուրեանի այնպէս լինելի բանաստեղծութիւնները — միաժամանակ պարզունակ են հոգեբանորէն: Այդ դարմանալի քերթութեանը շատ յարմարից աւելի բարդ են եւ ենթադրաբար զուտ աւելի խորունկ: Կարգադրութեան անգամ — ստեղծութիւնը մէկ, երկու, տասն անգամ գեղարուեստական կամ չգեղարուեստական են ամէն անգամ շտեմած կամ չշտեմած լինելու հետեւ: Յաճախ մի տող, մի նախադասութիւն, մի սոսկական բառ անգամ կարող է նոր լոյս տարածել ամբողջ բանաստեղծութեան վրայ եւ նրա գեղարուեստական-հոգեբանական արժեքը անհունապէս բարձրացնել: Եւ նրա նամակները շատ անգամ այդպիսի լուսաւորութեան կենդանիներ են:

Պետրոս Գուրեանի նամակների մէջ երբեք էլ նրա փիլիսոփայութիւնը աշխարհի եւ իրերի մասին: Այն, ինչ որ գեղարուեստագետը չէ ներկայացրել պարզ կերպով իր բանաստեղծութիւնների եւ թատերագրութիւնների փիլիսոփայութիւն արտայայտելու վայր չեն — տեսնում ենք մենք նամակների մէջ:

Ինչ է աշխարհը, ինչ է կեանքը, ինչ է մարդս աշխարհի վրայ, ինչ է տաղանդը, ինչ է անհոգ — այս եւ այսպիսի հարցերի մէջ յաճախ խօսք է լինում, ուր բանաստեղծը արտայայտում է իր հայեցողութիւնը սեղմ, ամփոփ եւ գրեթէ միշտ հետաքրքրական ձեւով: Իր փիլիսոփայական աշխարհայեցողութիւնից զատ — որ անշուշտ մեծ տեղ չէ գրաւում նրա նամակների մէջ — այս նամակները աւելի որոշ, աւելի լայն արձագանգն են նրա վշտոտ ու անարշալոյս կեանքի:

Պետրոս Գուրեանի նամակները նրա ողբերգական կեանքի արձանագրութիւնն են, անշուշտ ներշնչուած եւ անկեղծ արձանագրութիւնը: Եւ այս տեսակետից՝ նրանք նոյնն են, ինչ որ նրա բանաստեղծութիւնները, որովհետեւ երկուսն էլ պատմում են միեւնոյն փոխհետեւ կեանքը: Միայն թէ՛ բանաստեղծութիւնները աւելի հանրամարդկային են եւ աւելի ընդհանուր, իբրեւ բարձր գեղարուեստական գործեր, մինչդեռ նամակները աւելի անձուկ են եւ աւելի մանաւոր, իբրեւ սոսկական պատմութիւններ: Պետրոս Գուրեանի նամակները մոտ թիւներ են պարունակում իրենց կենսագրական նիւթեր են օգնել նրա կենսագրութիւնը գործնական: Այդ նամակների մէջ սագրութիւնը գործնական, իր գործերի տպագրութեան ինքիւրը, իր յարաբերութիւնը ընկերների իր մտքերը, իր անձնական կարօտութիւնը, իր կեանքի ճակը, իր անձնական կարօտութիւնը, իր կեանքի զգուշացումները, իր հիւանդութիւնը եւ վերջապէս իր մահը, որ նա վերջերս միշտ տեսնում էր աչքի առջեւ եւ որի մասին խօսում էր այնքան դառնութեամբ:

Իր տնտեսական դժուարին կացութեան մասին — մի նամակի մէջ, որ գրել է Խորեն Նարայէյին 1871 թուականի Յունուար 22ին — ի մէջ այլոց այսպէս է արտայայտուում.

«... Կյոյր մը չէ ձեզ դիմողն, որ աչերն բանաք, այլ մէկն է, որ ճակտին վրայ սեւ ամպ մ'ունի: Հիւղի մը հառաչն է այն, հոն ուր վառարանն ամայի է եւ սիրտը կը միայ, հոն, ուր կեանքը կը լուէ եւ քնարը կը հեծկտայ:»

Այսպէս, աչքերի լոյս եւ իմաստութիւն չէ, որ պահասում է նրան. եւ բանաստեղծը չէ աղերսում որ աչքերը բանան, այլ կրակ է ու

զուրմ «ամայի վառարանի» համար, այն հիւղի համար, որ «քնարը կը հեծկլտայ...»

Աշխարհի մասին 1869 թուականի Դեկտեմբեր 20ի նամակով այսպէս է արտայայտուում.

«...Միշտ ձանձրալի է այժմեան աշխարհը, անոր համար, որ ուղեղին մէջ ջահ չունի...»

Իսկ 1871 թուականի Յուլիս 5ի նամակով այսպէս է խօսուում.

«...Կ'անիծես աշխարհս, բարեկամ: Արդէն ինքը անիծեալ է: Աշխարհս կամ Աստուծոյ ձանձրոյթի մէկ հառաչն է եւ կամ դժոխքի մէկ անհամ կատակը... ինչ եւ է՝ կսկիծի մը դուռ է...»

Նոյն թուականի Հոկտեմբեր 11ի նամակի մէջ, որ գրել է Արմէն Լուսինեանին՝ աշխարհն անուանում է Աստուծոյ, այդ «Գերմարդկային Տիտանի» ձանձրոյթի մէկ հառաչը:

Այս հատուածներէից երեւում է, որ բանաստեղծը յաճախ անդրադառնում է աշխարհի էութեան վրայ եւ աշխատում է հասկանալ նրա յաւիտենական գաղտնիքը:

Եւ այս նամակների մէջ արտայայտուած տրամադրութեան ու նրա «Տրտուեցք» բանաստեղծութեան վերջին մասի միջեւ որոշ նմանութիւն կայ.

«Աստուծոյ ծաղըն է աշխարհն ալ արդէն...»

Այսպիսի յոռետեսական բացառանշուրթեամբ է վերջանում նրա նշանաւոր բանաստեղծութիւնը:

Մի ժամանակ կարծւում էր, թէ այդ մեայլ տողը բանաստեղծի սեփական խօսքերը չեն եւ թէ նրանք ներմուծուած են որ եւ է սրբագրողի կողմից: Մէջ բերուած համեմատութիւնները ցոյց են տալիս սակայն, որ բանաստեղծը յաճախ գործ է ածել նման արտայայտութիւններ: Միայն թէ իր նամակի մէջ աշխարհի մասին չէ ասում, թէ նա Աստուծոյ ծաղըն է, այլ ասում է թէ նա՝ Աստուծոյ ձանձրոյթի մէկ հառաչն է եւ կամ՝ դժոխքի մէկ անհամ կատակը:

Այսպէս: Նամակի մէջ աւելի հաշտ եւ աւելի խաղաղ վերաբերմունք ունի Գուրեան թէ դէպի Աստուած եւ թէ դէպի աշխարհս, մինչդեռ բանաստեղծութեան մէջ ամենամեայլ տրամադրութեամբ հառաչում է, թէ Աստուած ստեղծել է աշխարհս ծաղրելու համար միայն: Եւ այն, ինչ նամակի մէջ վերագրել էր դժոխքին, բանաստեղծութեան մէջ վերագրում է

Աստուծուն: Ինչ էլ որ լինի սակայն, աշխարհս բանաստեղծի համար «կսկիծի մը դուռն է...»

Այս է ահա ամենակարճ ձեւակերպումը այն մեայլ փիլիսոփայութեան, որ Պետրոս Գուրեանի նամակների եւ բանաստեղծութիւնների մէջ հնչում է որոշ ժամանակաշրջանում:

Այս կսկծալի աշխարհի մէջ բանաստեղծը համարում է իրեն մի «դալկահար եւ դողդոջ հիւր»: Այսպէս է գրում նա 1871 թուականի Սեպտեմբեր 5ի նամակի մէջ:

Եւ այս համեմատութիւնը արեւելեան բանաստեղծութեան անծանօթ արտայայտութիւն չէ: Այդպէս է խօսում աշխարհի եւ մարդկանց մասին արեւելահայոց ժողովրդական երգիչ Աշուղ Ջիւանին, իր յայտնի բանաստեղծութեան մէջ, որ սկսւում է «Չախորդ օրերը ձմրան նման կու գան ու կերթան» լուսաօր խօսքերով:

«Աշխարհս հիւրանոց է, Ջիւան, մարդիկը հիւրեր...»

Եւ անշուշտ Աշուղ Ջիւանին այս համեմատութիւնը փոխ չէ առել Պետրոս Գուրեանի վերոյիշեալ նամակից, այլ արտայայտել է մեր ժողովրդի փիլիսոփայութիւնը: Պետրոս Գուրեանի նամակն անկասկած անձնական տրամադրութեան թարգմանութիւն է, բայց նա էլ արտայայտուած է ժողովրդական ձեւով եւ գոյնով...

Այսպէս: Բանաստեղծը գիտէ, որ աշխարհս Աստուծոյ ձանձրոյթի մէկ հառաչն է եւ որ ինքը դողդոջուն հիւր է մեր աշխարհում: Նա գիտէ, որ ինքը աշխարհ է եկել իր «մահ» զգալու եւ մեռնելու համար: Եւ իր նամակների մէջ շատ տեղ արձագանգ է տալիս այդ ծանր գիտակցութեան:

Իր հիւանդութեան, իր մահուան, իր գերեզմանի մասին այնպիսի սրտաճմլիկ տողեր ունի Պետրոս Գուրեան իր նամակների մէջ, որ անկարելի է կարգաւ առանց ամենախորին յուզմունքի.

«...Այս օրերս դարձեալ մշտնջենաւոր վէրքս շունչ առաւ կուրծքիս տակ...»

«Վէրքիս մօտեցիր, եղբայր, սա ահարկու անդունդին: Սակայն սեւ ժայռը եւ երկնքի աստղերը միայն հոն կրնան նայիլ...»

Եւ «Նոճեաց տղան» — որ Պետրոս Գուրեանն ինքն է — «կը նայի իր վէրքին այնպէս, ինչպէս փառասէրն իր աստղին...»



Այսպէս է գրում բանաստեղծը 1871 թուականի Օգոստոս 13ի նամակով իր մի բարեկամին, եւ այնուհետեւ մինչեւ իր մահը, բարեկամ իր բոլոր նամակների մէջ, խօսում է գրեթէ իր բոլոր նամակների մասին: անընդհատ իր «վերքի» եւ իր մահուան մասին:

Այս տողերի եւ նրա բանաստեղծութիւնների մէջ միեւնոյն ցաւի արձագանքն է լսում, միշտ սրտակտուր, աղէտալի եւ խորապէս ողբերգական:

Իր անհատական վերաբերումը, սակայն, դէպի զարհուրելի մահ՝ նամակների մէջ ըստ երեւութիւն աւելի հանգիստ է, աւելի մեղմ ու հաշտ եւ մինչեւ անգամ աւելի հերոսական:

1871 թուականի Սեպտեմբեր 5ի նամակով գրում է իր բարեկամին.

«...Սակայն մի ցաւիւր եղբայր իմ, սպէս հաճողուէ, որ քո եղբայրը գերեզմանի տեղ նոյնան տապանը կը մտնէ աշխարհի արիւնահեղեղէն փրկուելու համար...»

«Երբեք մի մտաբերեր, որ ես յուսահատ եմ. բնաւ. բանաստեղծ մը մահուանէ չսոսկար...»

Բայց վերջապէս մահուան դառնութիւնը կարող է ազդել ամենախաղաղ մարդիկներին անգամ եւ նրանց հաղորդել իր խորհրդաւոր սարսափը, որ աւելի զօրաւոր է, քան հերոսական ոգիների արիւնթիւնը: 1871 թուականի Սեպտեմբեր 7ի նամակի մէջ Պետրոս Գուրեան գրում է.

«...Անյուսութիւն, գերեզմանի այդ սեւ կաթը կը խմեմ...»

Եւ այս անհարթ տողերը միանգամայն զուգահիւսում են այն խաւար տրամագրութեան, որ ծնեց նրա յուսահատական բանաստեղծութեան հետեւեալ սոսկալի երկտողը.

«Անյուսութիւն, գերեզմանի Այդ սեւ կաթը շուտ ըմպեցի...»

1871 թուականի Սեպտեմբեր 30ի նամակը, որ ուղղուած է իր մտերիմ Արմէն Լուսինեանին, զարմանալի տխուր տողեր ունի: Այդ նամակի մէջ բանաստեղծը խօսում է իր բարեկամի սիրոյ եւ ամուսնութեան մասին, իբրեւ ազնիւ մարդ, իբրեւ անփոխարինելի ընկեր, Պետրոս Գուրեանը օրհնում է իր բարեկամի երջանկութիւնը, մահուան գերեզմանի արտասանել կարողանում է անուշաբոյր խօսքեր արտասանել եւ նրա սիրոյ եւ նրա ապագայի մասին: Բայց այդ սրտառուչ օրհնութիւնից յետոյ աւելացնում է հետեւեալ անհունորէն դառն տողերը.

«...Երբեք ձեր ըմպած երջանկութեան ըմպելէն կաթիլ մը գողնալ, որ կարող է սրտիս անհուն ըմպել...»

Բանաստեղծը, իր սրտի անսահման կարօտով, ամփոփուած է այդ մի քանի վերաւոր խօսքերի մէջ: Մարդն է այնտեղ, ամէն ժամանակուայ կարօտալից մարդը, որ ուղղում է ապրել, արեւի լոյս տեսնել, երջանկութեան բաժակից գէթ «կաթիլ մը» գողնալ:

Բայց դաժան բնութիւնը իր դատաւճիղը արձակել է արդէն, եւ Պետրոս Գուրեան այլ եւս նոր գարուն չպիտի տեսնի: Զգում է այդ նոճիների տղան, տեսնում է ճակատագրի անդառնալիութիւնը եւ յոգնած, վաստակած տրամագրութեամբ բաձագանջում է.

«Ավա՛հ, շատ հեռու կ'երեւի ինձ փթիւնն աշարդ գարունը. ձմրան ձիւներն իմ սիրած վայրերուս հետ զիս ալ պատենաւորել կը սպառնան...»

Եւ բանաստեղծը իր «անհուն» մնաք-բարոյն է ուղղում աշխարհին.

«Ե՛հ, մնաք-բարով Աստուած եւ արեւ, որ կը պլպլաք իմ հոգուս վերեւ...»

Մահից մի ամիս առաջ, 1871 թուականի Դեկտեմբեր 10ին, իր բարեկամ Արմէն Լուսինեանին ուղղում է մի ընդարձակ նամակ, որ նրա վերջին նամակն է՝ գոնէ տպագրուածների մէջ: Այդ նամակի ամէն տողը մէջ նա գրել է մի կտոր իր հոգուց, իր ազնիւ հոգուց:

Պետրոս Գուրեանի մատաղ, երիտասարդ կեանքն է, որ վերջին անգամ պատմում է այդտեղ, թախիծով, մահուան դողով, սիրով եւ իմաստութեամբ:

Եւ այդ վերջին նամակի մէջ է նա յանձնարարում բարեկամին հոգ տանել եւ տպագրութեան յանձնել «մի քանի պատառ թղթերու» վրայ գրուած «արցունքոտ տողերը...»:

ՍԻՄ. ՅԱՅՈՐԵԱՆ

(Երբեք ձեր ըմպած երջանկութեան ըմպելէն կաթիլ մը գողնալ, որ կարող է սրտիս անհուն ըմպել...)

